

Mbanjyinzhoz:

Doxgyaez Doxhuz Caez Veh
Fukveh Saedcej Vuenyungz

仁和村: 仁爱和睦 绘就幸福生活画卷

Vanz Haij Vanz Dwng

Yiengh moq aenmbanj.



▲ Ranzlaeuz yiengh gyaendei.



▲ Giz lienhdang ndaw mbanj.



▲ Gyoengq mehmbwk comz diegdangz lienhdang.



▲ Laeuz ndeiawj luengq sohsangh.

Laeuzbaiz yiengh gaeuqgeq, ranzlaeuz cienheu baenz caengz baenz dab, roenmbanj sohsangh bingzbwd...Mwngz mboujdan ndaej bae gwnz Huzyinzhoz raemx sawyau yap ronghndit yebyeb haenx vad ruz, caemh ndaej bae ndaw ndoengfaex mwncup ndaetfwd haenx dwk roeggae, lij ndaej bae ndaw suen guhyiengh swnghdai nungzyez mbaet mak sou gve...Youq baihdong Luzgingj Cin Hwngzyen, miz aen mbanj gyaendei yiengh mbanj moqsag seuqset, saedcej vuenyungz ndeu—Mbanjyinzhoz.

Mbanjyinzhoz youq henz roen-sengj 101, liz Liuj-Nanz Gauhsuz bakok Luzgingj 15 goengleix gya. Gaxgonq mbanj neix caeuq gij mbanj bingzciengz wnq ityiengh, guh ndaej gaeuq gwn, sojmiz bienvraq cungj dwg daj bi 2013 hainduj, bihaenx Mbanjyinzhoz ndaej dingh guh Namzningz Si gij mbanj guhyiengh cunghab ndawde aen ndeu, ndaw yienh roengzngaenz 3000 lai fanh maenz, haenqrengz doihaeuj aenranz cingjcoih, canjnieb hwngfat, haenx laeg gaijgwz, gihcwngz cujcz,

cunhfungh vwnzmingz haj daih bouhfaenh 60 lai aen hangmoeg iq hwnjguh. Seizneix, ngiengx gyaen yawj gvaqbae, baenz baiz baenz coij ranzlaeuz moq guh ndaej yinzrwd caezcup, caeuq gij raemxsaw aenhuz ndaw mbanj nem gij roen sohsad bingzbwd song henz faex heuswd haenx doxdaengh yienj gyaen, ndeiawj raixcaix. Ndaw mbanj gizgiz sanqfat gij rengzhoengh gangi daudwz sim sienhsoh haenx, yienh'ok cungj vwnzmingz huzndei lajmbanj moq ciuhneix ndeu.

Youq ndaw Mbanjyinzhoz menhmenh byaij cet, mwngz ndaej yawjraen, ndaw mbanj gizgiz "ndaem" doh vwnzva: Gij rin yawjngonz ndaek hung ndaek iq haenx gwnzde deu miz ngeihcib seiq ciethaiq, gojgaeq conzdungj meijdwz daengj; 20 lai faqciengz gwnzde veh miz nditromh byoengq mok, sai dah hopheux, va'nding ndaw fwn daengj bet yiengh gingj gyaen Hwngzcouh geq caeuq dajcae dawzrauq, lizsij aenmbanj daengj fukveh cawjdawz haenx, hawj vunz yawj le roxyiuj haujlai. Mbanjyinzhoz youq gyang

mbanj guh le cunhsij cinzlezsiz, baij cuengq gij doxgaiq guhhong gaxgonq yungh gvaq haenx, noegcae, aenrauq, muhrin, aendoiq, gvihbeizrumz, loz-gei, laeprieng, ndoengindij daengj yienghyiengh miz caez, Mancuengh gyaendei, aennda lai yiengh, daengyouz caiqlij fungsug sibgvenq aeuyah baehaq Bouxcuengh dangdieg, rox-naeuz aeu doxgaiq roxnaeuz aeu faenzcieng mbawdoz baij youq dangqnaej vunzmbanj caeuq hekyouz. Ndaw mbanj youq guh gij sezsih goekdaej vwnzva caezcup doengzseiz, yawjnaek hawj de fat ok cozyung, laebbaenz le lanzgiuzdui, vwnzyidui, heuhcomz vunzmbanj guh gak cungj gak yiengh hozdung mizik, yienjheiq dwkgiuz, dwkgeiz lienzdang, hawj vunzmbanj saedcej seiz hongsoeng caeuq doengxaemh engq mizyinx; ndaw mbanj lij cingj lauxsae daengz ndaw mbanj, banh le vwnzmingz lijyiz, cauxnieb haenqhwnj, gisuz saedyungh daengj banbeizyyn, hawj vunzmbanj lai rox cihsiz, fungfouq gij neihanz mingzcoh aenmbanj "vunzmbanj simsienh, aenmbanj doxhuz" neix.



▲ Bakranz ndaem gova gofaex dem gyaendei.



▲ Vunzmbanj ndaej youq aen ranzlaeuz moq.

▲ Lanz senhconz lwnh rizroen aenmbanj.

▲ Funghranz baij-cuengq cunhsij hawj vunz dauqngex saedcej gaxgona.

